



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 40. lib. Genes. in quo describitur Pincernæ
& Pistoris Regii captivitas, utriusque somnia. Josephi somniorum
explicatio.

[urn:nbn:de:hbz:466:1-61252](#)

que delectabile. Tum ut jam semel deceptam propinquius malæ occasiōnī conjungeret, persuasit: periculum mortis subesse nullum, et si legeret fructum, ac manu gestans odorem exploraret. Tūlit ergo de fructu ejus. O Eva malesana parens! quid agis? Ah! tetigisse, periisse est, mox enim subnectit S. Textus. Comedit, & comedendō perdit innocentiam, incrrit mortem, sic malam occasionem non fugisse, est ipsum subiisse malum. Centenas ejusmodi praxes cacodæmon in Evæ posteris tentat, dum teneræ juventuti persuadet, ex familiari confortio personarum disparis sexūs nihil evenire periculi. Adolescenti cuidam suggerit: innocentiam manere integrām, et si in puellam elegantem oculos conjiciat, eam in via salutet, dein manu prensam domum ducat; hæc enim meræ Urbanitatis signa esse. Ab his audacior factus adolescens, frequenter colloqui, osculari incipit, & dum hæc quoque humanitatis palliō teguntur, tandem ad illa devenitur, quæ calamo scribere vetat religiosa modestia hinc optimè cecinit recentior quidam Poëta: Post risum risum: post risum venit ad usum; post usum tactum, post tactum venit ad actum, post actum factum: post factum patinet actum. Jacobus Eremita miræ sanctitatis vir, etiam miraculis celeber, hoc ipsum serò nimis se expertum esse ingemuit: nam à fœmina cuius societatem non fugerat, ad lapsum devolutus est: adeò, ut à qua antea dæmonem ejecerat, jam pudorem infelix amator expulerit, quin & vitam ipsam. Quare Christiane Lector! quantumvis sanctus & solidus in virtute esse tibi videaris, quantumvis cilicio loricæ loco armeris in toto corpore, flamas (occasions videlicet peccandi) fuge; nî malis, de tua actum esse innocentia: & erit teste S. Ambrosio lib. 2. de poenit. Fortitudo tua ut savilla stupra, & opus tuum quasi scintilla, & succendetur utrumque simul, & non erit qui extinguat.

Doctrina 2.

Desumpta ex cap. 40. lib. Genef. in quo describitur Pincerne & Pistoris Regii captivitas, utriusque somnia. Josephi somniorum explicatio.

N.60. Considera I. **Q**UAM instabiles sint Aulæ mundique totius honores atque favores: Pincerne enim regius (si Judæis fas est credere) id unicum delicti comiserat: quod Rex in poculo suo muscam, ex incuria Ministri reliquam, invenerit; Pistoris verò omne pecca-

peccatum exstitit, pilus in pane repertus: & hem! unâ horâ perdidere hi duo Regis gratiam, officiorum suorum Dignitatem; nullâ ratione præteriorum meritorum habitâ. Quis hoc perpendens, non dixerit cum Petro Dam. l. 4. Epist. 6. terrenos honores & dignitates fumum imitari, qui quô altius extollatur, eò citius etiam à levi flatu in nihilum redeat? Lucæ 4. Diabolus Christo (in sublimem locum deducto) dicitur in momento omnia Regna Mundi ostendisse, ut factum hoc lecturi intelligamus: in momento temporis ea omnia præterire, quæ Mundus magni aestimat, adeoque teste S. Ambrosio in hunc locum: *se p̄ honor saceruli abiit, antequam venerit.* Per merum somnium ad regales honores olim ascenderat Josephus, dum adhuc juvenem agebat intra paternos lares, & ecce! surrêxere illicò fratres illius, ut factum Regem è Throno deturbarent. Et nonne *Aula & aura unica tantum differunt litterâ?* quid autem aurâ instabilius? & tamen his omnibus sat cognitis, tantum desudant Christiani in acquirendo Principum & Magnatum favore, in obtinendis Aulæ honoribus & officiis: ut teste Petri Blessensi Epist. 14. *Gloriam Martyrii mererentur homines illi, hac patientes pro Christo; nunc verò evadant Martyres saceruli, per multas tribulationes Regnum Inferni intrantes.* Utinam saperent exemplum canis illius, qui semel Dominum suum secutus ad Aulam: cum ab aulicis canibus male exceptus domum rediret, nunquam imposturum ultrâ Aulæ Vestibulum dominum suum sequi voluit. Utinam tam frequenti aliorum ruinâ docti disserent, aulæ honores & dignitates croco simillimos esse, tunc primùm altius excrescenti, quando pedibus calcatur. Mirabimur forsan: cur tantus evaserit Moyles, & ad tam grandem ascenderit Dignitatis apicem, ut Deus Pharaonis vocaretur? sed dubium resolvet Josephus lib. 6. antiquit. c. 5. narrans: quod cum aliquando Termutis Pharaonis filia venustissimum hunc pusionem ad regni successionem adoptatum, regali adoptasset finui, & Rex blandè exceptum puerum pectori applicasset, imponens ei diadema suum: is ociosus diadema è capite detractum in terram abicerit indignabundus, ac teneris pedibus conculcaverit. Ex quo colliges exemplo, verissimum esse effatum Emiss. Serm. de ascens. *Sublimabunt nos, si fuerint infra nos:* honores videlicet & Dignitates Mundi.

Considera 2. Erroris commissos à duobus aulicis Pistorie & Pin. N. 61. cernâ figuram esse peccatorum illorum, quæ Theologi vocant ve- nalia, hæc etsi pili aut mulcæ instar à nobis habeantur, damna ta-

K 2

men

men inferunt gravissima, de quibus audiatur Augustinus Homil. 50. in lib. 50. humil. sic asserens : *quamvis singula non lethali vulnera feriant, sicut homicidium & cetera hujusmodi, tamen omnia simul congregata velut scabies, quod plura sunt, necant, & nostrum dedecus ita exterminant, ut ab illius sponsi speciosi forma praefiliis hominum castissimis amplexibus separent, nisi medicamenta quotidiane patientia defecentur.* Hoc expertam se esse testabitur S. Catharina Senens. quae ob unicam oculi deflexionem & durante oratione admissam distractionem, à Christo reprehensa, adeò erubuit, ut præoptaret coram toto potius confundi Mundo, quam pari reprehensione denuò affici. Perpetraverat olim David scelera duo, planè gravissima, sed veniam impunitus promeruit : at numerandò subditos non gravius quam venialiter dicitur peccasse, rigidam tamen pœnam subire coactus est. S. Hieronymus de Paula Romana scribens testatur : eam tot lacrymis minimam noxam veniale expiassè, ut illa gravissimorum criminum crederetur rea. Eusebius Theodoreto teste quadraginta annis unicam evagationem mentis gravissimè luxit. Alios non paucos numerò reperi fuit, quibus risus excusior, copiosior mensa, aspectus incautior, temporis exiguum dispendium, jocosum mendacium, vel alia hujus generis minora piacula copiosas lacrymas extorserunt, merito timentibus : se eorundem causa gravissimis à Deo plectendos pœnis. Vis Christiane Lector nosse, quam lœdendi virtutem habeat veniale peccatum ? dicam : illud esse *cancrum animæ*, qui sensim sine sensu depascat gratiam, donec illam penitus enecet, dum ad mortalem culpam disponit. Dicam : illud *lepram* esse, quæ adeò defœdet animam, ut divinis oculis abominabile reddatur objectum. Dicam : *paralysin* esse, quæ motum ad pia opera impediat. Dicam : *podagram* esse, quæ cursum in via perfectionis retardet. Dicam : *asthma* esse, quod ad cœlum aspirare non sinat. Dicam denique : nihil uspiam foedum aut horrificum inventari, quod veniali noxæ comparetur. Alphonsus Salmeron inter celebres Theologos non postremus, multâ autoritate fretus, asserere non dubitaverat : si contingeret, quempiam sua peccata etiam levia tam enormi in specie, quâ illa clarissimè intueatus Deus, cernere, ille quantociùs ruptis præcordiis præ nimio horrore sensibûs & vitâ destitutus exaresceret. Lorinus S. Scripturarum Interpres maximi nominis aspectum hunc ipsis gehennæ tormentis graviorem esse contendit. Ecce Christiane Lector ! quod tu instar pili æstimas, trans est



est in oculis tantorum virorum. Planè si his motivis nondum deterritus, perges: modica spernere, tunc cum Josepho tibi præfigio, fore: ut aliquando ex furca purgantium pœnarum suspensus, gravissimè luas.

Doctrina 3.

Desumpta ex cap. 41. lib. Genesis, in quo describitur somnium Pharaonis de bobus, & explicatio Josephi.

Considera: **D**iu noctuque nobis obtingere, quod semel in nocte ob- N.62.
tigerat Pharaoni: ille videbatur sibi, stare supra flu-
men: nos continuò supra illud stamus; quid enim tempus, quod in
hoc mundo vivimus, nisi symbolum fluminis? ut unda pellit un-
dam, ita dies trudit diem, & sicut à currente flumine tantum habe-
mus, quantum haurimus: ita ex annis perpetuò euntibus nihil acci-
pimus, nisi quod in res perpetuò duraturas collocamus. Instar boum
pinguium illi sunt tantummodo reputandi dies, qui fuerant acquiren-
dis meritis impensi. Nemo igitur, hortatur tam serio S. Bernard ad
Scholaſt. *Nemo vestrum parvi aestimet tempus, quod in Verbis consumitur otiosis.*
Volat verbum irrevocabile, volat tempus irremedibile, nec advertit inspiens, quid amittat. Licet fabulari aiunt, donec hora pertranseat. O! donec hora per-
transeat, quam tibi ad agendam pœnitentiam, ad obtinendam veniam, ad acqui-
rendam gratiam, ad promerendam gloriam miseratio Conditoris indulserat &c.
Si pauperi aperiretur thesaurus regius eâ conditione, ut intra horam
tot exinde pecuniarum sumeret, quot posset: tali certè nec momen-
tum unicum effueret, quô extrahendis pecuniis non occuparet ma-
nus. Ad quid verò aliud ô Christiane! tibi Deus præsens indulxit
tempus, quam ut meritorii negotiis illud impendendô, thesaurum
obtineas, in felici æternitate reponendum? Sed quot dies & menses
(ut momenta taceam) fluunt frustranea? quot à tempore usus ratio-
nis ad horam hanc, quâ ista legis, sunt perditæ horæ vanis discursi-
bûs, lusibûs, jocis? quot dormiendô extra ordinatum solidumque
tempus? quot comedendô & bibendô ultra necessitatem? proh do-
lor! hæ horæ, quæ sine numero sunt, non alia in specie comparent,
quam septem illi miserrimi, macieque confecti boves, quos aspicere hor-
ror fuit Pharaoni. Vestis scissuram passa reparari potest, incensa do-

K 3

mus